

中

興

禮

書

中興禮書第一百十六卷

吉禮一百十六

加上徽宗皇帝諡號冊寶畢親饗太廟三

親饗太廟儀

齋戒

質明有司設行事執事及助祭文武官位於尚書省左  
僕射刑部尚書在北南向左僕射在左刑部尚書在右

刑部尚書  
刑部尚書

行事抑樂太常卿光祿丞功臣獻官在南

光祿丞  
以祿

下皆  
下皆

執事官又在其南俱北向西上監察御史位二在

西東向北上讀冊舉冊官奉禮協律郎太祝太官令在

東西向俱北上

奉禮郎以下  
皆稱却

設文武助祭位於行事官

之南東西相向北上又設行事執事及助祭宗室位於

太廟齋坊右僕射刑部侍郎在北南向右僕射在左刑

部侍郎在右刑部侍郎亞獻終獻在南北向西上行事執

事助祭宗室在東西向北上御史臺太常寺閣門自下

分別群臣各就位凡持引行事執事文武別祭官文班

入就禮直官贊揖訖左僕射讀誓於尚書省刑部尚書

准之右僕射讀誓於太廟齋坊刑部侍郎准之誓文曰

今年正月十一日為奉上徽宗皇帝徽號冊寶畢皇帝

親行時饗太廟各揚其職其或不恭國有常刑內尚書

以下式官從差即以下先送在位官皆再拜乃退皇帝

散齋七日於別殿致齋三日於齋殿凡散齋不弔喪問

疾作樂有司不奏刑殺文書致齋日前後殿不視事惟

行饗事前致齋一日儀鸞司鋪御榻於齋殿當中南向

設東西房於御榻之後稍北又設西閣及齋室於殿後  
並隨地之宜又於殿上前極施簾致齋之日質明有司  
陳玉輅儀仗於行宮北門之外御輦陳平輦於齋殿門  
之內外隨地之宜文武百官拜宗室俱就次各服其服  
內宰執侍中使相侍從臺榭武臣正任以上并前導奏  
中藏外辦官礼直官並朝服結綰餘官並常服

閣門奏請皇帝未後詣齋室當祇應閣門官并宣贊舍  
人以下先詣齋室後閣前北向立次內侍都知以下并  
帶御器械官骨衣執一班次樞密以下并樞密都承旨

閣門宣贊舍人以下祇應橫行武功大夫以下一班並  
笏次管軍臣僚骨衣執並西向側立閣門附內侍進班

齋牌皇帝履履袍出宮簾卷內侍執骨朵使臣迎駕常  
起居行門禁衛輦下人迎駕各自贊常起居知地步  
行門禁

街等文不入正皇帝即座當祇應閣門官以下一班常

起居訖各復祇應位次內侍都知以下并帶御器械官

一班常起居次樞密以下通班常起居贊祇候引駕樞

密都承旨至諸房逐房副承旨閣門官簾前分左右立

以候前導餘官退次管軍臣僚一班常起居即宣名

贊祇候引駕並分左右前導舍人報班絕如得旨免起

立位徑起侍殿上傳旨宣鞞如地步軍臨止步皇帝服履袍

出至西房簾降侍中樞密并樞密都承旨至諸房逐房

副承旨閣門官並朝服于御榻前分左右侍立樞密使

密院事在東西向北上侍中一員在樞密使之北

閣門官一員又在侍中之北益西向餘閣門官在同

御史臺太常寺及閣門宣贊舍人分行事執事文武

助祭官并宗室入詣宗齋殿北向立次引禮部侍郎奏

請中嚴少頃又奏外辦皇帝服通天冠絳紗袍青結佩

出西房簾捲侍衛如常儀至御榻即座南向侍臣夾侍

如殿上穿殿上更閣門官於榻御前贊樞密以下拜

不鳴鞭止殿下鳴鞭殿上下在位官皆再拜閣門官贊拜訖轉身北向次禮

直官引侍中詣御榻前俛伏跪奏侍中臣某言請皇帝

降座就齋室奏訖俛伏興還侍位皇帝降座贊拜閣門

官贊殿上侍臣樞密以下並再拜贊閣門官并殿皇

帝由東房入齋室侍臣各還本司直衛者如常儀次引

行事執事文武助祭官并宗室以次出三省樞密宗室

上入閣起居應行事執事文武助祭官并宗室及從

升者並散齋七日宿於正寢致齋三日各宿於本司

子職行宮北門外待漏院 空散齋治事如故唯不弔喪問

疾作樂判書刑殺文書決罰罪人及與穢惡致齋之日

官給酒饌其酒不入齋室唯饗事得行其餘悉禁與饗之官已

齋而闕者通攝行事

陳設

闕同前會要此二條永興大典云

省牲器  
車駕自行宮詣太廟

饗日文武侍祠行事執事助祭之官宗室先詣太廟祠所其日導駕官以下就次各服其服有司進輿於齋殿乘黃令進玉輅於行宮北門之內北向設千牛將軍一員位於輅前南向參知政事一員位於侍中之前贊者二人位又於其前少頃御史臺太常寺閤門分引侍中

參知政事太僕卿乘黃令詣齋殿立班北向東上

今乘黃

後次引導駕官以下在其後分東西相向立以俟奉迎

管軍臣僚又在其後禮直官宣贊舍人引禮部侍郎奏

詣中嚴

凡侍中參知政事禮部侍郎奏詣皆禮直官宣贊舍人引

少詣又奏外辦皇

帝服通天冠絳紗袍詣齋殿鳴鞭行門禁衛諸班親從

等諸司祇應人員以下各自贊常起居次知客省事以

下樞密院都承旨以下知內侍省事以下帶御器械官

應奉祇應通侍大夫以下武功大夫以下及幹辦庫務

文臣一班常起居俟皇帝即御座宣贊舍人贊侍中以

下常起居次導駕官常起居

已起居者止奏聖躬萬福

次管軍臣僚

並常起居該宣名者即宣名

若得旨免起居

皇帝乘輿以

出降自西階稱警蹕如常儀太僕卿出詣玉路所攝衣



而升正立執轡導駕官前導皇帝出齋殿至玉輅所千

井將軍前跪執轡侍中進當輿前俛伏跪奏侍中具官

臣某言請皇帝降輿升輅奏訖俛伏興退復位

凡侍中奏請准

此乘黃令稍東向進玉輅皇帝降輿升輅大僕卿位接

綏導駕官分左右步導參知政事進當輅前俛伏跪奏

參知政事具官臣某言請車駕進發奏訖俛伏興退復

位

凡參知政事奏請准此

車駕動稱警蹕侍中先詣行宮北門內

以俟參知政事及贊者天侍以出千牛將軍夾輅而趨

車駕侍及行宮北門至侍臣上馬所參知政事奏請車

駕少駐勅侍臣上馬侍中前承旨退稱曰制可參知政

事傳制稱侍臣上馬贊者承傳勅侍臣上馬請侍衛之

官各督其屬左右翊駕在黃麾內內導駕官夾侍于前

贊者在侍中參知政事之前侍臣上馬畢參知政事奏  
請車駕進發車駕動稱警畢黃麾仗前導詣太廟車駕  
將至太廟御史臺東上閤門分引文武助祭官宗室禮  
直官贊者引行事執事官俱詣廟櫺星門外立班再拜  
奉迎訖退內已起者止奏聖躬萬福車駕及廟門少駐文武侍臣皆  
下馬導官步導至廟櫺星門外回輅東向千牛將軍立  
于輅右侍中奏請皇帝降輅乘輿有司進與皇帝降輅  
乘輿入大次侍衛如常儀導駕官步導至大次皇帝降  
輿入大次簾降舍人承旨勅群官各還次以俟立班門  
行禮

晨禩闕大典亦云同前會要

饋食

饗日有司陳鼎三十有三于神厨各在錢右太官令帥

進饌者詣厨以匕升牛於鑊實于一鼎肩胛肱正脊一肱肱一肱

代者皆二首以並一次升羊如牛升豕如羊各實于一

鼎每室牛羊各一鼎設局幕祝史對舉入設于每室饌幔內次

引視腥熟節官詣饌所視腥熟之節俟皇帝晨裸畢還

位樂止祝史抽局委于鼎右除幕加匕畢于鼎大官令

以匕升牛載于一俎俎有下端脊在上端次升羊及豕

各載于俎其載如牛每室牛羊各一俎次引薦牛薦羊薦豕俎

官搯笏奉俎以入太官令引入正門官架豐安之樂作

由官架東至橫街折方進行陳于西階下北向北上薦

俎官搯笏奉俎以升執事者各迎于階上薦俎官奉俎

詣俎祖室神位前北向跪奠先薦牛次薦羊次薦豕各

執芴俛伏興有司設牛羊豕俎于腸胃膚之前

羊牛在中左

右在詣次室奉奠並如上儀樂止俱降復位次引香燈

官取蕭合黍稷粒於脂燧于爐炭又當饋熟之時取道  
糝于醢祭于豆間三又黍稷肺祭如初皆藉以茅各還  
尊所次引奉幣官進帶官受帶官受爵酒官進爵酒官  
升詣僖祖室奉幣官進帶官受爵酒官進爵酒官在東  
西向北上受帶官在西東向次引奉爵酒官升殿詣皇  
帝版位前奉爵酒北向立內侍各執盤匱帨巾以進官  
架樂作禮儀使奏請皇帝稽大圭盥手內侍進盤匱沃  
水皇帝盥手內侍進巾皇帝帨手訖又奏請皇帝洗爵  
奉爵酒官進爵內侍沃水皇帝洗爵內侍進巾皇帝拭  
爵訖樂止又奏執大圭奉爵酒官奉爵詣僖祖室酌尊

所西向立執尊舉器良醞令酌著尊之醴齊訖先詣次

室酌尊所北向立禮儀使前導登歌樂作殿中監跪進

鎮圭禮儀使奏請楮大圭執鎮圭前導皇帝詣僖祖室

樂止宮祭作基命之樂翼祖室大廟之樂宣祖室天元

大定之樂真宗室照文之樂仁宗室美成之樂英宗室

治隆之樂神宗室文明之樂哲宗室重光之樂徽宗室

之樂元文舞作內侍先設繅藉于地禮儀使奏請跪奠鎮

圭于繅藉執圭俛伏興又奏請進大圭跪次內侍跪取

幣于匪以授奉幣官奉幣官授進幣官西向跪以進禮

儀使奏請受幣皇帝受奠訖受帶官東向跪受以興奠

于僖祖神位前次奉爵酒官以爵授受爵酒官受爵酒

官授進爵酒官進爵酒官西向跪以進禮儀使奏請執

爵皇帝執爵祭酒三祭于奠爵受爵官以爵復于坫禮

儀使奏請執大圭伉伏興又奏奏請皇帝少立樂止奉幣官進幣官受爵官奉爵酒官受爵酒官進爵酒官俱詣次室內侍舉鎮圭授殿中監又以練藉詣次室先設於地次舉冊官舉祝冊讀冊官拈笏東向跪讀冊文讀訖各執笏興先詣次室前東向立禮儀使奏請再拜皇帝再拜訖禮儀使前導皇帝詣次室奠圭帶酌獻並如上儀一次奉幣官進幣官受幣官奉爵酒官受爵酒官進爵酒官俱降復位內侍舉鎮圭練藉以鎮圭授殿中監以授有司讀冊官以下俱降復位禮儀使前導皇帝還版位登歌樂作至位西向立樂止禮儀使奏請還小次登歌樂作前導皇帝降自阼階樂止宮架樂作將至小次禮儀使奏請釋大圭殿中監跪受大圭皇帝入小

次簾降樂止文舞退武舞進宮架正安之樂作舞者立  
定樂止禮直官太常博士引亞獻詣盥洗位北向立措  
笏手悅手執笏詣爵洗位北向立措笏洗爵拭爵以爵  
授執事者執笏升詣僖祖室酌尊所西向立宮架作正  
安之樂武功之舞執事者以爵授亞獻亞獻措笏跪執  
爵執尊者舉畢太官令酌壺尊之盞齊訖先詣次室酌  
尊所北向立亞獻以爵授執事者執笏興詣僖祖室神  
位前北向立措笏跪執事者以爵授亞獻亞獻執爵祭  
酒三祭於茅苴奠爵執笏伏興北向再拜次詣每室  
酌獻並如上儀樂止降復位初亞獻行禮將畢禮直官  
太常博士引終獻詣洗及升殿酌獻並如亞獻之儀降  
復位初終獻既升次引七祀及配饗功臣獻官詣盥洗

位樽笏盥手悅手執笏詣神位前樽笏跪執爵三祭酒

奠爵執笏悅伏興再拜詣次位並如上儀退復位唯七祀先

諸司命位奠爵北興少立次引太祝進樽神位前北向讀跪祝文讀訖退復位獻官再拜初皇帝既

晨裸有司以牛左臂一骨及胛骨短脅俱二骨以並載

于胙俎升設于俎祖室前俟終獻既升獻次引進俎官

太祝太官令詣飲福位北向立奉俎豆爵酒者各立於

其後禮儀使奏請詣飲福位簾卷出次宮架樂作殿中

監跪進大圭禮儀使奏請執大圭前導皇帝至阼階下

樂止升自阼階登歌樂作將至飲福位樂止登歌禧安

之樂作皇帝至飲福位西向立尚醑奉御執尊詣酌尊

所良醑令酌上尊福酒合置一樽尚醑奉御奉尊詣飲

福位殿中監奉爵尚醑奉御酌福酒殿中監北向奉以



立禮儀使奏請再拜皇帝再拜殿中監跪以爵酒進禮

儀使奏請搢大圭跪受爵祭酒三然于酒呼酒奠爵殿中監

跪受爵以興太祝帥執事者持胙俎進減神位前正脊

二骨橫脊二骨加于俎上內侍受俎以授進俎官進俎

官南向跪以進皇帝受俎奠之進俎官受俎以興降復

位太官令取黍于簋持以授太祝太祝受以豆北向跪

以進皇帝受訖奠之太祝受豆以興降復位次殿中監

再跪以爵酒進禮儀使奏請再受爵飲福酒奠爵殿中

監受虛爵興以授奉御執事者俱降復位禮儀使奏請

執大圭佻伏興又奏請再拜皇帝再拜樂止禮儀使前

導皇帝還版位登歌樂作至版位西向立樂止次引徹

牛俎官升殿徹豆并俎

通豆俎各一  
俱少移故處

登歌豐安之樂

作卒撤樂止徹牛俎官降復位禮直官曰賜胙行事助  
祭官拜贊者承傳曰賜胙再拜在位官皆拜送神宮架  
興安之樂作一成止次引奏奉神主官詣皇帝版位前  
俛伏跪奏奉神主入室奏訖俛伏興退祠祭官於殿上  
承傳曰奉神主入室次引薦香燈官拈笏奉神主入室  
訖薦香燈官先拜置  
于神座納神主于位執笏退復位次引宮闈令奉后主  
如上儀退復位次引奏奉神主官詣皇帝版位前俛伏  
跪奏奉神主入室訖俛伏興退禮儀使奏禮畢前導皇  
帝降自阼階登歌樂作至阼階下樂止宮架樂作出門  
樂止禮儀使奏請釋大圭殿中監跪受大圭以授有司  
皇帝還大次禮部郎中奏請解嚴宮闈令以黍稷肺祭  
藉用白茅束而埋之於西階東有司各取幣置於坎大

禮使以下就望座位禮直官曰可瘞寘土半坎宮闈令  
監視次引太禮使以下詣東神門外揖位立禮直官贊  
禮畢揖訖退文武助祭官及宗室以次出次引七祀獻  
官詣南神門外七祀望燎位南向立有司置祝版於燎  
柴焚訖退太官令帥其屬徹禮饌監察御史詣殿上監  
視收徹訖宮闈令闔戶以降乃退太常藏祝冊於匱

車駕自太廟還行宮

皇帝既還大次禮部郎中奏解嚴訖所司轉仗衛還于  
途如未儀乘黃令進玉輅于太廟櫺星門外東向千牛  
將軍一員執長刀立于輅前有司進輿于大次前導駕  
官俱詣大次門外奉迎禮部侍郎奏請中嚴少頃又奏  
外辦簾卷皇帝服通天冠絳紗袍將出大次宣贊舍人

贊侍中以下常起居次應導駕官等並迎駕奏聖躬萬福次行門禁衛諸班親從等迎駕奏聖躬萬福次知客省事以下樞密都承旨以下知內侍省事以下帶御器械官應奉祇應通侍大夫以下武功大夫以下一班迎駕奏聖躬萬福次合從駕臣僚一班迎駕奏聖躬萬福次管軍臣僚一班迎駕奏聖躬萬福訖退若得旨元起居更不起居以侍俟從駕還行宮太僕卿出詣玉輅所攝衣而升正立執轡導駕官步導皇帝乘輿出大次至玉輅所侍中奏請皇帝降輿升輅若未輦即奏云降輿乘輦太僕卿立授千牛將軍馭駕如來儀參知政事奏請車駕進發車駕動稱警蹕侍衛如儀至侍臣上馬所參知政事奏請車駕少駐勅侍中上馬前承旨退稱曰制可參知政事傳旨稱侍

臣上馬贊者承傳勅侍臣上馬參知政事奏請車駕進  
發車駕動稱警蹕鈞容直作樂引駕侍衛如儀車駕將  
至行宮北門外少駐文武侍臣階下馬步導千牛將軍  
立于輅右車駕動千牛將軍夾路而趨車駕行至宮北  
門內侍中奏請皇帝降輅乘輿若乘輿即奏皇帝降輅  
乘輿還內禮部郎中奏解嚴宣贊舍人承旨勅羣官各  
遂其所

中興禮書第一百十七卷

吉禮一百十七

登寶位親饗太廟

紹興三十二年六月二十日禮部太常寺言今來皇帝登寶位合擇車駕詣太廟別廟親行朝饗之禮今參酌條具到合行事件 一朝饗太廟別廟及差官分祀七祀配饗功臣應用牲牢禮料酒齊等並乞依每歲五饗體例令太常寺具數關報臨安府等處排辦及依例合差親事官一十人擡警禮料等乞下皇城司差撥一合用祝冊一十二副並述以皇帝登寶位躬行朝饗之禮下學士院修撰書寫進書訖降付禮部其祝冊訖令文思院製一依儀合用登歌架樂舞鼓吹等內鼓吹佈而不作乞令太常寺

條具申請所有大樂樂章具節次申學士製撰修潤前  
期附太常寺教習 一堪會所差侍祠行事應奏官欲  
乞依禮例令太常寺具窠目申中書省差官其行事執  
事應奉部位官等並服朝服立班見今祇候庫所管朝  
服並係夾羅製造今來暑月欲乞今文思院權暫拆作  
單羅禮畢却行修整 一依儀合用皇帝版位并公卿  
位版等欲乞依例下臨安府添修雅飾其合差捧擎位  
版腰輿人乞下步軍司差禁軍八人 一將來車駕詣  
太廟行親饗禮欲乞是日麗正門和寧門并南北宮門  
並早二刻開其廟門早三刻開 一欲乞于受誓戒前  
令太常寺定日就大寺教習侍祠執事等官及祇應人  
三日 一依儀行事執事陪位官前十日受誓戒于尚

書省宗室受誓于太廟依例五更一點開尚書省門并  
太廟樞星門 一前導行事執事應奉官並合前三日  
致齋內陪位官前一日致齋有本司宿于本司無本司  
者並宿貢院 一依禮例行事執事官並習儀于尚書  
省從太常寺定日申取朝廷指揮 一合自太廟樞星  
門絞縛露屋曲尺接至大次前貯廊並乞下儀鸞司同  
臨安府施行 一薦香燈官一十一員依禮例今太宗  
正司差南班宗室 一行禮儀注令太常寺修定申請  
所有習儀受誓戒日欲乞百司作休務假 一捧執邊  
執俎等官供亞終獻爵玷盥洗官從太常寺申吏部差  
京局釐務文官如不足差待次文武官充其供祠執事  
內侍官從太常寺闕入內侍省差詔依

其行禮儀注與  
祝祠朝享太廟



注同更  
不重載

同日禮部太常寺言今續次參酌條具下項 一合用  
登歌宮架舞樂係用節奏樂正六人登歌樂工四十八  
人別廟登歌樂工三十六人宮架樂工一百九十人內  
登歌樂工合前十日受誓戒各合服著衫幘等乞于祇  
候庫支取應副更不支請勅號止令所屬照驗頭冠法  
衣被令入出祇應所有脩潤到樂曲今欲止乞教習一  
十日合用搬運大樂軍兵一百五十人依例下殿前馬  
步三司差及遮護樂架油幕屋乞下儀鸞司絞縛 一  
合用鼓吹在儀仗內排設備而不作導引祇應合用鼓  
吹二百三十六人除太常寺見管令丞三人外其餘人  
乞下殿前馬步三司差撥雜攢樂人所有服著執色樂

器乞下祇候庫揀選使用前期赴太常寺閱習儀範詔  
依

二十一日禮部太常寺言今續次參酌條具事件 一

親饗太廟別廟日辰據太史局申宜用七月十四日已  
酉吉其日緣條孟秋有司薦饗日分今欲來乞就用上

件日分行禮其有司薦饗行事欲乞依禮例權罷 一

親饗前三日皇帝齋於內殿有司不奏刑殺文書 一

將來車駕行朝饗禮依禮例皇帝服履袍乘輦出北宮

門至太廟所有合用麾仗乞下兵部相度申請前一日

於皇城北門外排列至太廟如值兩欲乞  
並許施兩具 一依禮例

讀冊官讀至御名勿諱殿上下徹去黃道裊褥入殿門

不張蓋百官不得回班御燎從物扇更不入殿行禮前

衛士不起居呼萬歲 一禮例合差親饗禮儀使一員  
以宰臣充并合差都大主管官一員以內侍充伏乞降  
勅差官詔依

二十六日禮部太常寺言今續次參酌到事件 一依  
儀合用鬱鬯酒二斗七升係用秬黍釀酒煮鬱金香草  
以和之欲乞令臨安府祠祭酒庫赴太常寺請領見管  
鬱金香草差昨明堂大禮醞造鬱鬯酒匠日下醞造所  
有太廟五饗依儀亦合用鬱鬯酒近年止用清酒充代  
未合典禮檢照郊廟奉祀禮文其鬱金香草係信州每  
歲貢三十斤赴太常寺送納欲乞今後五饗亦令臨安  
府祠祭酒庫醞造供應 一依儀合設暹豆簋簋於饌  
幔內俟薦獻時暹豆簋簋官捧入以授薦暹豆簋簋官

逐室薦獻今來若依儀逐室差林執官級差官稍多若  
今執事人捧執升殿又緣供官數少今欲乞止差執蓮  
豆簋簋官八員通充逐室行事其餘蓮豆簋簋並先設  
於殿上酒尊所俟執蓮豆簋簋官以次捧執薦獻詔依  
二十九日兵部言車駕請行朝饗禮例合用黃麾仗本  
部契勘黃麾大次仗人數稍多今相度欲乞用皇帝登  
寶位排設過黃麾角仗一十五十六人差兵部郎官一  
員總轄伏乞朝廷指揮詔依

同日御史臺閣門言車駕詣太廟別廟親行朝饗之禮  
所陪位官欲乞文臣用通直郎以上及見任寺監簿承  
務郎以上職事官赴武臣用見任修武郎以上及宗  
室南班將軍以上赴陪位立班詔依

同日太常寺言已降指揮親饗太廟別廟所差行事令  
太常寺具窠目中中書省降勅差官前饗十日質明受  
誓戒尚書省左僕射一員誓行事執事助祭文武官刑  
部尚書一員泣誓太廟右僕射一員誓行事執事助祭  
宗室刑部侍郎一員泣誓行事應奉侍祠等官亞獻一  
員終獻一員禮部侍郎二員一員奏中嚴外辦一員御  
前奏中嚴外辦殿中監一員進接圭兼進飲福酒復受  
虛爵進幣爵酒官一員兼進瓚并申眡滌濯受爵酒官  
受幣官一員以爵酒授進爵酒官奉幣官一員以幣授  
進幣官受幣官一員兼爵復于站盥洗奉爵官一員盥  
洗進爵以爵詣尊所酌酒訖以爵酒授受爵酒官奉瓚  
盥官一員盥洗進瓚以瓚詣尊所酌爵訖以瓚授

進瓊官薦運豆蓋官一員并徹運豆薦羊俎官一員  
兼眠滌濯省牲省鼎鑊眠濯澆兼實鑊并徹俎兼進胙  
薦豕俎官一員兼省牲視腥熟節增沃鑊水禮部郎中  
二員一員行禮畢奏解履一員行禮畢御前奏解嚴贊  
道太常卿一員太常博士四員一員贊引禮儀使一員  
贊引禮儀一員使員贊引太常卿一員贊引亞獻一員贊  
引終獻奏奉神主官一員監察御史二員七祀獻官一  
員配饗功臣獻官三員二員詣西帷次行禮一員詣東  
帷次行禮讀冊官一員舉冊官四員押樂太常卿一員  
光祿卿一員入實運豆蓋蓋等太府卿一員設幣登歌  
押樂太常丞一員光祿丞一員牽牲詣厨監饌造奉禮  
郎一員設皇帝版位協律郎二員一員上殿舉麾一員

下殿舉麾持黍太祝一員進持黍兼肺祭奠冊良醞一員酌皇帝獻酒太令官一員酌亞終獻酒兼監視宰殺牲牢并搏黍等薦香燈官一十一員太宗正捧蓮豆簋簋官八員自外選豆官至七祀太祝並史部差抹俎官五十員盥洗奉爵官四員別廟太祝一員七祀太祝一員供祠執事內侍官一十員供祠執事至宮闈令並入內內侍省差太廟宮闈令六員別廟宮闈令一員詔依

三十日太常寺言勘會親饗太廟別廟本寺今定習儀日欲用七月六日詔依

七月一日禮部太常寺言今續次條具到事件一依儀饗日有司進與於齋殿其從駕臣僚以俟從駕次禮直官宣贊舍人引禮部侍郎奏請中嚴少頃又奏外辦

係合于至日守和寧門并宮門入赴齋殿奏請竊緣至日應奉官司等人往來擁遏趕赴遲緩其所差奏中嚴外辦官禮直官禮兵部職掌及令量行各將帶人從三人欲乞前一日於內藏庫相對廊上止宿至日赴朝請一依儀太廟合設大小次內大次係就用齋殿小次係於殿下東階之東西向并南神門外東西相向合設饌幔今欲乞令儀鸞司同臨安府施行一依禮例親饗應行事執事詣司執掌并應奉人等各合前三日致齋文武陪祠官前一日致齋于本司詔依

二日禮部太常司言今續次條具事件一勘會已降指揮行禮日皇城門及宮門早開二刻開太廟極星門早三刻開契勘今來秋暑尚熱開門時刻遲緩竊慮日



慮高行事不致嚴肅今欲乞行禮日皇城門及宮門茲  
 早四刻開太廟樞星門早六刻開一勘會行事應奉  
 侍祠執事官內有合從駕官若至日從駕官至太廟換  
 易朝祭服趨赴立班行事竊恐遲緩今欲乞降執使相  
 並非侍祠文武臣僚合從駕外其餘應差充侍祠行事  
 執事陪祠文武文武官及宗室並先赴太廟以俟立班  
 行禮候禮畢應合從駕文武臣僚並從駕還內一勘  
 會行事執事應奉陪祠官並合于太廟樞星門外常服  
 立班迎駕起居訖換朝祭服趨赴立班行禮竊緣更掙  
 衣服之際人從喧雜有乖嚴肅今欲乞並免迎駕起居  
 徑詣太廟殿庭立班以俟行禮詔依  
 三日禮部太常寺言今續次參酌條具合行事件一

依禮例皇帝致齋三日於內殿合用儀衛宿衛乞下主管禁衛所施行 一勘會已降指揮前三日齋于內殿今欲乞自齋於內殿日皇帝前後殿不視事及次日合作歇泊休務假一日緣次日係中元節假今欲乞於七月十六日宰執百官詣德壽宮起居訖退百司並作歇泊休務假一日 一勘會朝饗太廟皇帝行禮合用黃羅拜褥拜飲福黃羅拜褥欲乞依禮例並用緋 一依儀皇帝行飲福禮合用玉爵等乞今翰林司依例排辦詔依

七日閣門言契勘車駕詣太廟別廟行親饗禮合差齋殿進中嚴并還內太廟進外辦官一員齋殿進外辦并進解嚴官一員太廟并還內進中嚴官一員太廟進外

辦并前導皇帝行禮官一員前導皇帝行禮并禮畢進  
解嚴官一員並乞降勅差知閤門官詔依

同日詔今月十四日詔太廟別廟親饗行禮應行事執  
事官等務在嚴肅如有懈怠不恭令閤門取旨送御史  
臺

同日言閤門言勘會來車駕詣太廟別廟行親饗禮畢  
差閤門宣詞令舍人一員升臺宣勞將士其宣勞臺係  
祇候庫排辦詔依

十三日內侍楊震奉旨閤門今月十四日車駕詣太廟  
親饗行禮如值雨應從駕臣僚拜儀衛等並許張雨具

中興禮書第一百十八卷

吉禮一百十八

社稷

太陽交食告太社

紹興十三年十一月二十六日禮部言太常寺狀據太史局申十二月朔太陽交食本寺今具合行禮例下項

一依例皇帝不視事減常膳一日其日廢務百司守

職遇時罷 一合差侍從官一員告太社位行事其令

差光祿卿監察御史奉禮郎太祝太官令各一員本寺

中牒所屬差官並前一日赴祠所致齋 一合用御封

香幣香酒脯等係本寺闕報所屬排辦一合用祝文二

首一首述以一首述以陰雲不見祭謝之意係學士院

祭告之意

脩撰書寫進書訖降付本寺詔依

十二月一日當所不  
見行休謝之禮共後

凡遇交食行吉禮  
陰雲不見行謝禮

二十八年三月一日太陽交食百司守職不視朝是日  
陰雲不見翼日宰臣奏欲集班表賀上曰日月薄食皆  
上穹垂象朕德薄不足以格天雲陰蔽日蓋偶然耳當  
寅天戒其令百官毋得稱賀自後太陽交食陰雲不見  
並仍此制

乾道三年四月一日日有食之

大分三小  
分六十五雲露不見四

日有旨李繼宗等測驗太陽交蝕所奏不實太史局令  
李繼宗特降授春官正放罷夏官正權同判太史局吳  
澤特降授中官正冬官正主管測驗渾儀刻漏所楊彥  
特降授太史局丞靈臺郎主管測驗渾儀刻漏所馬彥

特降授保章正並差遣如故

五年八月一日日有食之

大分五小分三十

九年四月二十四日禮部太常寺言據太史局申乾道九年五月朔太陽交蝕今具禮制下項 一依例皇帝不視朝減常膳一日其日廢務百司守職過時乃罷

一合差侍從官一員告太社一位乞朝廷降勅差官施

行 一合差光祿卿監察御史奉禮部太祝太官令各

一員依例禮部門報所屬差官並前一日赴太社壇所

致齋至五月一日行事 一合用御封降真香幣帛酒

脯等乞從本寺關報所屬排辦 一合用祝文二首

前一

送以祭告之意一冊送以陰雲不見祭謝之意乞令學士院修撰書寫進書訖降付本寺供應有旨依其行事官差權吏部侍郎韓元

吉

二十六日詔左諫議大夫姚憲監太史局令李繼宗等就太史局測驗日食先是靈臺郎宋允恭國學免解進士林永叔進士祝斌黃夢得吳時舉陳彥健各推算日食時刻分數不同秘書省以為言故有是命

五月一日日有食之

大分七十分一十小

十一日詔太史局令判太史局李繼宗特降授太史局正放罷春官正判太史局吳澤特降授中官正局丞同判太史局荆太聲特降授太史局靈臺郎並遣差如故姚憲測驗日蝕時刻分數差並皆差舛故也

十六日二月一日日有食之

大分九十分九雲露不見

太陽交食奏告

淳熙十五年七月十一日禮部太常寺言據太史局申  
八月朔太陽交食今具合行禮例下項 一依禮例皇

帝不視事減常膳一日 一其日廢務百司守職過時

乃罷 一合差侍從官一員告太社一位行事其合差

光祿卿監察御史奉禮郎太祝太官令各一員太常寺

中牒所屬差官並前一日赴太社壇致齋 一合用御

封降真香帶帛酒脯等係太常寺闕報所屬排辦 一

合用祝文二首 一首述以祭告之意一首係學士院修

撰書寫進書訖降付太常寺詔依 十六年二月一日

十二日禮部太常寺言八月朔太陽交食依禮例皇帝

不視事減常膳其日廢務百司職守過時乃罷緣當日

係車駕詣德壽宮高宗皇帝几筵前燒香日即有相妨



欲乞改用八月二日詔依

淳熙四年八月二十八日禮部太常寺言勘會今年九月朔太陽交食告太社一位合行事件已降指揮外今檢照政和五禮新儀止載合朔代鼓唯開寶通禮合朔代鼓即二分二至所有今來九月朔太陽交食不係二分二至之月欲依開寶通禮至日依儀禮代鼓所有合排辦工人鼓物乞令太常寺闕報所屬排辦併合用祭告祝文一首亦乞從學士院照應前項代鼓典故條撰進書詔降付供應詔依

中興禮書第一百二十卷

吉禮一百二十

神州地祇

紹興元年二月五日禮部太常寺討論省繁就簡裁定  
每歲立冬後祭神州地祇并前二日奏告太宗皇帝於  
天慶觀設位望祭正配二位每位宗爵籩豆各一實以  
酒脯鹿鷄以獻官一員行禮

所用幣依方詔依色權不用玉

五年閏二月二十八日禮部太常寺言勘會祭神州地  
祇合用禮神真玉奠獻昨為未曾製造止奠幣行禮近  
緣明堂大禮已行製造真玉欲乞自盡後依儀奠玉幣  
行禮詔依

二十七年五月二十七日禮部太常寺言准勅臣僚上

言祭祀之禮大祀三十有六而今所行者二十有三其一三祭止作中祀欲命有司依舊作大祀行禮今勘會數內立冬復祭神州地祇綠今來壇壝齋宮未備合於北方設登歌宮架樂舞行事綠精進寺齋宮地步窄隘難以安設欲訖權于錢湖門外惠照院齋宮行事乞令太常寺依見今大禮祀例報所屬排辦所有依儀係用牛犢欲乞依見今祀祭天地禮制止用羊豕詔依

祭神州地祇儀

時日 齋戒 奏告 陳設 省牲器 奠

玉幣

進熟

望瘞

並同玉禮新儀

中興禮書第一百二十一卷

吉禮一百二十一

五方帝

九年二月二十八日禮部言國子監丞張希亮劄子竊見祀五帝祇用酒脯欲乞討論依舊典用牲牢太常寺看詳本官所請依得國朝禮制緣多事之時有司難以辦集欲且依見今禮例止用酒脯行禮俟將來軍事寧息別行條具詔依

松栝北條見永樂大典五千四百三十九卷而缺其年統類附于此

紹興二十七年祀五方帝儀

時日

太常侍預于隔季以立春日記青帝

赤帝以立夏黃帝以季夏土王白帝

以立秋黑帝以立冬為祀日

闕太史局太史局以其日報太常寺參

酌訖具時日散告

齋戒

前祀十日受誓戒于尚書省其日五鼓贊者設位版于  
都堂下吏部尚書在左刑部尚書在右並南向初獻亞  
終獻位于其南稍東北向西上監察御史位于其西稍  
北東向光祿卿兵部工部郎中光祿丞位于其南稍西  
北高東上光祿丞位稍却奉禮郎太祝太社太官令位于其東  
西向北上質明禮直官贊者引行事執事官就位立定  
禮直官引吏部尚書由都堂降階就位禮直官贊揖在  
位者對揖吏部尚書稽笏讀誓文云某月某日立春日  
祀青帝立夏日祀赤帝立秋日祀白帝立冬日祀黑帝各揚其職不共其事國  
有常刑讀訖執笏禮直官贊奉禮郎太祝太社太官令

先退館官對拜乃退散齋七日治事如故宿于正寢不  
弔喪問疾作樂判書刑殺文書決罰罪人及於穢惡致  
齋三日先禮卿大夫社二日于本司無本司者于廟唯  
祀事得行其餘悉禁前一日質明俱赴祠所齋官官給  
酒饌祀官已齋而闕者通攝行事

陳設

前祀三日儀鸞司設行事官次于齋宮之內及設饌幔  
于殿門之東墜地之宜前二日有司牽牲詣祠所前一  
日太社令帥其屬掃除殿之上下太常設正配神位席  
太史設正配神位版于殿上凡設神位版皆太常設祭  
器凡設祭器皆以俟告潔有司陳牲于殿之  
東南西向祝史各位于牲後太常設省牲位于牲西三

獻官在南北向光祿卿兵部工部郎中光祿丞奉禮郎

太祝太社太官令在北南俱西上凡設光祿丞以下位皆稍却以監察

御史于光祿卿之西少絕太常陳禮饌于殿之東南西

向設省饌位版于禮饌之西三獻官在西東向北上監

察御史在北南向光祿卿兵部工部郎中光祿丞奉禮

郎太祝太社太官令在南北向東上太常設登歌之樂

于殿上稍南北向祀日丑前五刻禮直官贊者諸司職

掌各服其服太常設神位席太史設神位版于殿上青

帝位于殿上北方南向席以藁秸帝太昊氏位于殿上

東方西向席以莞王夏祀赤帝神農氏季夏土王祀

人立冬祀黑帝高陽氏祀青帝于辰太常陳玉幣于神

上及五配位神席並如祀青帝之儀位前之左青帝王以青圭以黜璜俱或以配位不用

玉 玉加幣上置諸篚

正配隨方位幣祝版各于神位之右置

之站次設祭器寔之正配位各左十有二籩為三行以

右為上

第一行形盤在前魚醢醢粉第三次之第二行

右有十二豆為三行以左為上

第一行豆為三行以左為上

籩次之右有十二豆為三行以左為上

第一行豆為三行以左為上

籩次之右有十二豆為三行以左為上

第一行豆為三行以左為上

籩次之右有十二豆為三行以左為上

第一行豆為三行以左為上

第一行豆為三行以左為上



一定禮齊山尊二一一定禮齊犧尊二一一定禮齊象尊二

一定禮齊皆有罍加畢設而不酌並在殿上稍南北向

西上之位即設于正位酒尊太常設燭于神位前設俎

四于饌慢內洗二于殿東階下之東南向盥洗在東要

在洗東加勺篚在洗西南肆實以巾又若盥洗之則執

罍篚者位于其後又設楫位于殿之東南如省牲之位

唯不設光祿州聖太社令位積柴于殿門之外燈所設望燎位其于

北三獻官在北南向西上監察御史在西東向兵部工

部郎中奉禮郎太祝在東西向北上又設三獻官席位

于殿東階之東西向南上兵部工部郎中席位于殿東

階之東西向北上設監察御史席位于殿庭北向奉禮

郎太祝太社太官令位于其後俱西上光祿卿席位于

監察御史之東北向又設監察御史位于殿上樂廡之西東向奉禮郎太祝太祝在東西向北上太官令在酌尊所俱北面

省牲器

前祀一日行事執事官集初獻齋所肆儀太祝習讀祝文眡玉幣及神位版訖次禮直官贊者分引行事執事官詣殿東省牲位凡初獻行禮者引立定禮直官贊揖次引監察御史升殿東側階凡行禮者引降階皆自東側階眡滌濯執事者舉罍曰潔降復位禮直官稍前曰告潔畢請省牲太祝出班巡牲一匣詣初獻前西向躬曰充退復位光祿丞出巡牲一匣詣初獻前西向躬曰肅退復位禮直官贊省牲畢請詣省饌位揖訖引行事執事官各

就位立定禮直官贊揖所司省饌具畢禮直官贊省饌  
畢揖訖俱還齋所光祿丞太祝以次牽牲詣厨授太官  
今次引監察御史詣厨省篋及祗祭器滌滌乃還齋所  
未後一刻太官令帥宰人以鶩刀割牲祝史以槃取毛  
血置于饌所遂烹牲脯後太社令帥其屬掃除殿之上  
下訖還齋所

奠玉幣

祀日丑前五刻行事春冬用丑時一刻太社令先入視設  
神位版訖退次太官令光祿丞帥其屬實饌具畢光祿  
丞還齋所次引光祿卿入詣殿下席位北向立贊者曰  
再拜光祿卿再拜升殿點視禮饌畢退還齋所次引監  
察御史史升殿點閱陳設糾察不如儀者凡點視點閱皆先訖正位

樂正帥登殿工人升殿各就位餘官各服祭服次引行  
事執事官各詣殿之東西揖位立定禮直官贊揖次引  
監察御史奉禮郎太祝太官令入就殿下席位北向立  
次引三獻官兵部工部郎中各入就殿東階之東席位  
西向立禮直官稍前贊有司謹具請行事高安之樂作  
六成止太常升烟燭牲首贊者曰再拜在位者皆再拜  
次引監察御史奉禮郎太祝太官令俱升殿各就位立  
立定太官令就正位的尊所次引初獻詣盥洗位北向立搢笏盥  
手悅手執笏升殿正安之樂作初獻搢笏跪引詣青帝  
神位前北向立樂止嘉安之樂作初獻搢笏跪引奉禮  
郎搢笏西向跪執事者以玉幣授奉禮郎奉禮郎奉玉  
幣授初獻執笏與先詣帝太昊氏神位前北向立初獻

受玉幣奠訖執笏俛伏興再拜次詣帝太昊氏神位前

東向立

酌獻訖位在北

奠幣如上儀樂止奉禮即復位初獻

將降殿樂作復位樂止

進熟

祀日有司帥進饌者詣厨以七升羊載于一俎肩胛端

肥膈在下端正脊一立脊一橫曰之五于上次升豕

如羊載于一俎正配位羊豕各一俎設于饌幔內俟初

獻既升奠玉幣訖入陳于殿東側階下西向西上次引

兵部工部郎中詣殿東側階下擗笏奉俎兵部奉羊工部奉豕升

殿豐安之樂作詣青帝神位前北向跪奠先薦羊次薦

豕各執笏俛伏興有司設于豆右腸胃膚之羊在左豕在右次

詣帝太昊氏神位前東向奉俎加上儀樂止俱降復位



爵洗位北向立搯笏洗爵拭爵以爵授執事者執笏升  
殿詣正位的尊所西向立文安之樂作執事者以爵授  
亞獻亞獻搯笏跪執爵執爵者舉幕太官酌壺尊之  
盞齊訖先詣配位的尊所北向立搯笏跪執事者以爵  
授亞獻亞獻執爵三祭酒奠爵執笏俛伏興再拜次詣  
帝太昊氏神位前的獻並如上儀樂止降復粒次引終  
獻詣洗及升殿行禮並如亞獻之儀降復位禮直官曰  
賜昨贊者承傳曰賜昨再拜在位者皆再拜訖送神高  
安之樂作一成止

望瘞

初高安之樂畢引三獻官兵部工部郎中詣望燎位有  
司各詣神位前取幣祝版置于燎柴次引監察御史奉

禮郎太祝降殿詣望座位立定禮直官曰可燎火燎畢  
柴次引初獻以下詣殿之東南揖位立禮直官贊禮畢  
揖訖退太官令帥其屬徹禮饌監察御史詣殿監視收  
徹訖還齋所光祿卿以胙奉進監察御史就位展視訖  
光祿卿望闕再拜訖乃退



中興禮書第一百二十五卷

吉禮一百二十五

朝日夕月

紹興三年四月十五日禮部太常寺言司封員外郎鄭  
仕彥劄子奏恭惟陛下自即位而來巡幸東南郊祀明  
堂以時慶成舉無越禮頃因臣僚建議如社稷高禩之  
祀悉已舉行至於春分朝日秋分夕月立春立夏季夏  
土王立秋立冬祀五帝於四郊亦祀之大者何獨廢而  
未舉伏望聖慈明詔禮官講求典禮舉而行之詔令禮  
部太常寺討論申尚書省令討論欲依本官所乞所有  
合用牲牢禮料祭器差官等依議設十二籩豆羞三獻  
官兵工部等緣今來多事之際難以盡依禮例兼見今

祭神州地祇已降指揮不用牲牢設運豆各一寔以鹿脯鹿鬻差獻官一員行事所有今來祀日月五帝欲乞省繁就簡依神州地祇禮例施行詔依

二十七日五月二十七日禮部太常寺言勅臣僚上言祀祭之禮大祀三十有六而今所行者二十有三其一十三祭只作中祀欲望命有司依舊作大祀行禮勘會數內春分朝日秋分夕月緣今來壇壝齋宮未備欲乞朝日權於東青門外長生院夕月於錢湖門外惠照院行事詔依

七月二十二日禮部太常寺言勘會八月九日秋分夕月係在錢湖門外惠照院望祭齋宮行禮依儀用酉時三刻俟行禮畢收昨監察御史監視封記光祿卿望闕

再拜訖進胙契勘是日錢湖門并和寧門并像已閉門  
時刻委是進胙不及今省記在京日秋分夕月其所進  
胙止於太常寺言勘會春分朝秋分夕月合用禮神真  
玉奠獻胙為未曾製造止奠幣行禮近緣明堂大禮已  
行製造真玉欲乞自今後依儀奠玉幣行禮詔依齋宮  
安頓次日齋擎赴通進司御厨投納欲乞依上件體例  
施行詔依

朝日夕月儀

時日 齋戒 陳設 省牲器 奠玉幣

進熟 望燎

時日

太常寺預於隔季以春分朝日闕太史局秋分太史

局以其日報太常寺太常寺參酌訖具時日散告

齋戒

前祀十日受誓戒於尚書省其日五鼓贊者設位版於  
都堂下吏部尚書在左刑部尚書在右並南向初獻亞  
終獻位于其南稍北東向西上監察御史位于其西稍  
北東向光祿卿兵部工部郎中光祿丞位於其南稍西  
北向東上光祿丞奉禮郎太祝太社太官令位于其東  
西向北上贊明禮直官贊者引行事執事官就位立班  
定禮直官引吏部尚書由都堂降階就位禮直官贊揖  
在位者對揖吏部尚書拈笏讀誓文云某月某日春分  
朝日秋分夕月各揚其職不共其職國有常刑請訖執  
笏禮直官贊奉禮郎太祝太社太官令先退餘官對拜

乃退散齋七日治事如故宿于正寢不弔喪問疾作樂  
判書刑殺文書決罰罪人及與穢惡致齋三日光祿祠  
太官令二日於本司無本司者于唯祀事得行其餘  
無一日悉禁前祀一日質明俱赴祠所齋宮官給酒饌祀官已  
齋而闕者通攝行事

陳設

前祀三日儀鸞司設行事執事官次于齋宮之內隨地  
之宜設饌慢於殿門之東北向殿之東南西向前二日  
有司牽牲詣祠所前一日太社令帥其屬掃殿之上下  
太常設神位席太常設神位版于殿上凡設神位版皆  
太常設祭器凡設祭器皆稱以俟告潔既畢有司陳  
牲於殿之東南西向祝史各位於牲後太常設省牲位

于牲西三獻官在南北向光祿卿兵部工部郎中光祿

丞奉禮郎太祝太社太官令在北南向俱西上凡設光祿丞以

下位皆 監察御史位于光祿卿之西少絕太常陳禮饌

於殿之東南西向東南南向 設省饌位版于禮饌之

西西月于北 三獻官在西東向北上北月在西上 監察御

史在北南向西月向在 光祿卿兵部工部郎中光祿丞奉

禮郎太祝太社太官令在南北向東上西月向北上 太常

設登歌之樂于殿上稍南北向祀日丑前五刻西月前五

刻禮直官贊者諸司職掌各服其服太常設神位席以

社 太史設神位版于殿上北方南向太常丞陳玉幣於

神位前之左玉用圭璧 玉加于幣置諸篚朝日幣以赤

祝版于神位之右置于坫次設祭器寔之左十有二簋

以白

為三行以右為上第一行形出在前無柄種乾茶次

次之第三行美之右有十二豆為三行以左為上第一

前之來鹿脯次之右有十二豆為三行以左為上第一

俎二一在籩前實以兩羊在兩端兩兩肩兩兩脅次之齊并齊一

在豆前實以兩羊在兩端兩兩肩兩兩脅次之齊并齊一

第一重一定以羊腥腸胃脾脾一在上端利脾三次

之腸三脾三又次之一定以取腥膚九橫豕第二重一次

膚豕豕一如腥皆羊在左豕在右豕登一在籩間豆太美槃

一在登間前實以血籩二籩二在籩豆外二俎間籩在左

籩在右實以稻梁在稻前籩定以黍設著尊上一

明水一定禮之壺尊二一定明水一定盞皆有罍加勺罍

為酌尊太尊二一定禮齊山尊二一定罍齊犧尊二一

沈齊一象尊二一定禮酒皆有罍加罍設而不酌並在

殿上稍南北向西上太常設燭于神位前俎二於饌幔

內洗二於殿東階下之東南向盥洗在東巽在洗東加

勺篚在洗西南肆寔以巾若盥洗之篚則執巽篚者位

于其後又設揖位於殿之東南如省牲之位牲不設先

社令積柴於殿門之外燎所燎少月于設望燎位于殿門

上三獻官在北南向西上監察御史在西東向兵部工

部即中奉禮即太祝在東西向北上又設三獻官席位

於殿東階之東西向北上兵部工部即中席位於殿東

階之東西向北上設監察御史席位於殿下北向奉禮

即太祝太官令位於其後俱西上光祿卿席位於監察

御史之東北向又設監察御史位於殿上樂虞之西東

向奉禮即太祝在東西向北上太官令於酌尊所俱北



向

省牲器

前祀一日行事執事官集初獻齋所肆儀太祝習讀祝

文眠玉幣及神位版訖次禮直官贊者分引行事執事

官詣殿東省牲位凡初獻行事禮直官贊者引立定禮直官贊

揖次引監察御史升殿東側階凡行事執事官升降殿

階西眠滌濯執事者舉冪曰潔降復位禮直官稍前曰告

潔畢請省牲太祝出班巡牲一匝詣初獻官前西向躬

曰充退復位光祿丞出班巡牲一匝詣初獻前西向躬

曰臚退復位禮直官贊省牲畢詣省饌位揖訖引行

事執事官各就位立定禮直官贊揖所司省饌具畢禮

直官贊省饌畢揖訖俱還齋所光祿丞太祝以次牽牲

詣厨授太官令次引監察御史詣厨省籩及眠祭器滌  
溉乃還齋所未後一刻夕月用酉太官令帥宰人以鬯  
刀割牲祝史以槃取毛血置於饌所遂烹牲脯後太社  
令率其屬掃除殿之上下訖還齋所

奠玉幣

朝日行事用丑時七刻夕月行事用酉時三刻各於時  
前五刻太社令先入視設神位版訖退次太官令光祿  
丞帥其屬實饌具畢光祿丞還齋所次引光祿卿入詣  
殿下席位北向立贊者曰再拜光祿卿再拜升殿點視  
禮饌畢次引監察御史升殿點閱陳設糾察不如儀者  
樂正帥登歌工人升殿各就位光祿卿還齋所餘官各  
服祭服次引行事執事官各詣殿之東南揖位立定禮

直官贊揖次引監察御史奉禮郎太祝太官令入就殿  
下席位北向立次引三獻官兵部工部郎中各入就殿  
東階之東席位西向立禮直官稍前贊有司謹具請行  
事高安之樂作六成止太常升烟燔牲首贊者曰再拜  
在位者皆再拜次引監察御史奉禮郎太祝太官令俱  
升殿各就位立定次引初獻詣盥洗位北向立搢笏盥  
手帨手執笏升殿正安之樂作凡初獻升階行止皆作正安之樂詩大  
明神位前夕月詣夜神位前北向立樂止嘉安之樂作初獻搢  
笏跪次引奉禮郎搢笏西向跪執事者以玉幣授奉禮  
郎奉禮郎奉玉幣授初獻訖執笏興退復位初獻受玉  
幣奠訖執笏俛伏興再拜樂止初獻將降殿樂作復位  
樂止

進熟

祀日有司帥進饌者詣厨以匕升羊載於一俎肩臂端

牝豚在下端正脊一直脊一橫脊一長次升豕如羊載

於一俎設於饌幔內俟初獻既升奠玉幣訖入陳于殿

東側墻下西向西上階下月入陳于殿西次引兵部工部

郎中詣殿東側墻下西夕月詣下擗笏奉俎兵部奉羊升殿

豐安之樂作詣大明神位前夕月詣夜北向跪奠先荐

羊次荐豕執笏俛伏興有司設于豆右腸胃膚之前在羊

左右樂止俱降復位次引太祝詣神位前東向立次引

初獻再詣盥洗位北向立擗笏盥手俛手執笏次詣爵

洗位北向立擗笏洗爵拭爵以爵授執事者執笏升殿

樂作詣酌尊所西向立樂止嘉安之樂作執事者以爵

授初獻初獻搢笏跪執爵執尊者舉冪太官令若酌尊之醴齊初獻以爵授執事者執笏興詣大明神位前夕月

神位前北向立搢笏跪執事者以爵授初獻初獻執爵

三祭酒奠爵執笏俛伏興少立樂止太祝搢笏跪讀祝

文讀訖執笏興退復位初獻再拜訖將降殿樂作復位

樂止次引亞獻詣盥洗位北向立搢笏盥手俛手執笏

次詣爵洗位北向立搢笏洗爵拭爵以爵授執事者執

笏升殿詣酌尊所西向立文安之樂作執事者以爵授

亞獻亞獻搢笏跪執爵執尊者舉冪太官令酌壺尊之

盞齊亞獻以爵授執事者執笏興詣大明神位前夕月

位前北向立搢笏跪執事者以爵授亞獻亞獻執三祭

酒祭奠爵執笏俛伏興再拜樂止降復位次引中獻詣

洗及升殿行禮並如亞獻之儀降復位禮直官賜胙贊者承傳曰賜胙再拜在位者皆再拜訖送神理安之樂作一成止望燎初理安之樂畢引三獻官兵部工部郎中詣望燎位有司詣神位前取幣祝版置於燎柴次引監察御史奉禮郎太祝降殿詣望燎位立定禮直官曰可燎位火燎半柴次引初獻以下詣殿之東南揖位立禮直官贊禮畢揖訖退太官令帥其屬徹禮饌監察御史詣殿監視收徹訖還齋所光祿卿以胙奉進監察御史就位展視訖光祿卿望闕再拜訖乃退

中興禮書第一百二十六卷

吉禮一百二十六

燹惑

紹興七年六月二日禮部太常寺言太常博士黃積厚  
劄子奏令大祀之未舉者如燹惑大蜡之類中祀如穡  
鎮海漬農蠶之類小祀如司中司命之類或以為國解  
禳或以為民祈報神人相依之道實不可廢欲望特降  
睿旨下有司條舉而行之詔令禮部太常寺同共條具  
今契勘未舉太中小祀凡三十九緣車駕巡幸齋宮祭  
器祭服等並皆未備今欲先次舉行大中小祀立夏日  
祀燹惑合於南方緣今來壇壝齋宮未備又緣淨明寺  
已充同日祀赤帝神相妨今欲乞權于錢湖門外惠照院

齊宮行事



中興禮書第一百二十七卷

吉禮一百二十七

大辰

紹興七年六月二十日禮部太常寺言准勅臣僚劄子奏臣聞古之火正蓋火官也帝嘗則有祝融陶唐則有閼伯掌行火正以順天時後世尊為火祖配祭火星夫祝融氏遠矣士弱之對晉侯叔公僑之告叔向皆言閼伯之居商丘說者謂商人承閼伯之業宋其後也世司其占故先知災變修道以銷除班固志之可考而知且宋大辰之墟而房心之野商丘在焉今睢陽是也國家垂統實感炎德以宋建號用詔萬世太祖受命陛下中興應天順人皆在于此是則大火之神發祥儲祉佑我

寶祚其所由來久矣仁宗康定間禮官建明因古商丘  
作為壇兆以闕伯配大火之祀內降祝詞命陪京尹正  
之臣奉祠行事牲幣遵豆咸有品式多事以來祀弗克  
舉殊非佑神之意比年多災雖緣有司不戒于火然預  
防之計亦宜無斫不用其至臣愚欲望睿慈特命曲臺  
參酌舊章即行在所每逢辰戌出納之月各設位望祭  
如此豈特昭炎德昌熾之福蓋亦弭災之道也詔令禮  
部太常寺同共討論申尚書省今勘會應天府祀大火  
近因臣僚陳請季春季秋見于行宮設位望祭兼昨宣  
和間因臣僚陳請以季春出火日於東郊季春內火日  
於西郊各建壇壝以大祠之禮祀祭大辰近緣軍興未  
曾舉行今討論欲依今來臣僚所請於行在所每逢辰

戊之月依見今舉依行五方帝禮例差官用酒脯設位望祭詔依

二十七年五月二十七日禮部太常寺言准勅臣僚上言祭祀之禮大祀三十有六而今所行者二十有三其一十三祭止作中祀欲望命有司依舊作大祀今勘會壇壝齋宮未備所有祭祀大辰其季春出火欲乞權於東青門外長生院行事季秋內火欲乞權於錢湖門外惠照院行事詔依

乾道五年八月二十九日禮部太常寺言准都省批下太常少卿林栗丞陳損博士龔滂劄子契勘九月十四日望祭應天府大火以商丘宣明王配二十一日內火祀大辰以闕伯配大辰即大火也闕伯即商丘宣明王

也伏緣國朝以宋建號以火紀德太祖皇帝先堯壽聖  
太上皇帝皆受命于宋故推原發祥儲祉之所自崇建  
商丘之祠府曰應天廟曰光德加封王爵錫謚宣明所  
以追嚴者備矣今有司旬日之間舉行二祭一稱其號  
一斥其名義所未安恐合釐正欲乞今後祀熒感大辰  
其配位稱閔伯者祝文位版並依應天府大火禮例改  
稱商丘宣明王以稱國家崇奉火正之意今勘當欲依  
逐官所乞詔依

祀大辰儀

時日 齋戒 陳設 省牲器 奠玉幣

進熟 望燎 日

時日

太常預於隔季以季春出火季秋內火祀大辰闕太史局擇日太史局以其日報太常寺太常寺參酌訖具時日散告

齋戒

前祀十日受誓戒於尚書省其日五鼓贊者設位版於都堂下吏部尚書在左刑部尚書在右並南向初獻亞獻終獻位於其南稍東北向西上監察御史位於其西稍北東向光祿卿兵部工部郎中光祿丞位於其南稍西北向東上光祿丞奉禮郎太祝太官令位於其東西向北上贊明禮直官贊者引行事執事官就位立定禮直官引吏部尚書由都堂降階就位禮直官贊揖在位者對揖吏部尚書揖笏讀誓文云

某月某日季春出火某月某日季秋內火

祀大辰各揚其職不共其事國有常刑讀訖執笏禮直  
官贊奉禮即太祝太社太官令先退餘官對拜訖乃退  
散齋七日治事如故宿于正寢不弔喪問疾作樂判書刑  
殺文書決罰罪人及與穢惡致齋三日光祿卿丞太社  
太官令齊一日  
二日于本司攝本司者于攝  
近寺觀贊明至唯祀事得行其餘悉禁前  
祀一日贊明俱赴祠所齋宮官酒饌祀官已齋而闕者  
通攝行事

陳設

前祀三日儀鸞司設行事執事官次於齋宮之內及設  
饌幔於殿門之東北向內大子殿之  
東南西南向前二日有司牽牲  
詣祠所前一日太社令帥其屬掃除殿之上下太常設  
神位席太史設神位版于殿上凡設神位版皆  
太社令監視太常設

祭器

凡設祭器皆藉以序進豆人加巾蓋

以俟告潔

既畢

有司陳牲於殿

之東南南向祝文各位于牲後太常設省牲位於牲西

三獻官在南北向光祿卿兵部工部郎中光祿丞奉禮

郎太祝太社太官令在北南向俱西上

以下設光祿丞監

察御史位於光祿卿之西少絕太常陳禮饌於殿之東

南西向

曰火于殿之

設省饌位版於禮饌之西

內火于

南三獻官在西東向北上

內火在

監察御史在北向

南

內火在

光祿卿兵部工部郎中光祿丞奉禮郎太祝

太社太官令在南北向東

於殿上稍南北向祀日丑前五刻禮直官贊者諸司職

內火在

太常設登歌之樂

掌各服其服太常設神位席太史設神位版大辰位於

殿上北方南向席以藁秸商兵宣明王於殿上東方西

向席以莞太常陳玉帶於神位前之左

玉以圭璧不用玉

玉加帶上置諸篚帶以赤祝版各於神位之右置於堵

次設祭器實之每位各左十有二籩為三行以右為上

第一行形盛在前魚鱉秩餅粉粢次之第二行榛實在前乾稌乾乾黍次之第三行麥在前芡與鹿脯次之

右十有二豆為三行以左為上

第一行并豆在第二行

韭菹在前配食魚醢兔醢次之第三

行醢和在前鹿醢麋醢醢醢次之

羊胾七體兩胛兩肫兩脊并芥而一在豆前

軀在兩端兩肩兩脊次之脊在中一在豆前

軀又俎四在豆右為二重以北為上

上俎利肺三次之腸三胃三又次之

如脰皆羊在左豕在右登一在籩豆間

若配位即以東為上

前實以籩二籩在籩豆外二俎間籩在左籩在右

果梁在柶前蓋實設著尊二



明水一奠齊皆有一奠  
亞於獻之奠齊皆有一奠  
亞於獻之奠齊皆有一奠

山尊二一奠禮齊犧尊二一奠禮齊象尊二一奠禮齊

酒皆有罍加冕設而不酌並在殿上稍南北向西上

即設于正位酒尊之太常設燭於神位前又設俎四于

饌幔內洗二於殿東階之東南向盥洗在西罍在洗東

加勺篚在洗西南肆實以巾若爵洗之篚則執罍篚者

位于其後又設揖位於殿之東南如牲省之位唯不設

亞社積柴於殿門之外燎所內火于設望燎位於其

北三獻官在北南向西上監察御史在西東向兵部工

部郎中奉禮郎太祝在東西向北上又設三獻官席位

於殿東階之東西向南上兵部工部郎中席位於三獻

官席位之南西向北上設監察御史席位於殿下北向

奉禮郎太祝太官令位於其後俱西上光祿卿席位於  
監察御史之東北向又設監察御史位於殿上樂虞之  
北在西東向奉禮郎太祝在東西向北上太官令在酌  
尊前俱北向

省牲器

前祀一日行事執事官集初獻齋所肄儀太祝習讀祝  
文賤玉幣及神位版訖次禮直官贊者分引行事執事  
官詣殿東省牲位凡初獻行事者引直官立定禮直官贊  
揖次引監察御史升自東側階凡行事者引直官自東側階凡行事者引直官內凡行事者引直官大並升西  
階凡行事者引直官賤滌濯執事者舉幕曰潔降復位禮直官稍前曰告  
潔畢請牲太祝出班巡牲一匝請初獻前西向躬曰充  
退復位光祿丞出班巡牲一匝詣初獻前西向躬曰賧

退復位禮直官贊省牲畢詣詣省饌位揖訖引行事執  
事官各就位立定禮直官贊揖所司省饌俱畢禮直官  
贊省饌畢揖訖俱還齋所光祿丞太祝以次牽牲詣厨  
授太官令次引監察御史詣厨省錢及貤祭器滌洗乃  
還齋所未後一刻太官令師宰人以鬻刀割牲祝史以  
以槃取毛血置於饌所遂烹牲脯後太社令帥其屬掃  
除殿之上下訖還齋所

奠玉幣

祀日丑前五刻

行事春用丑時七刻秋用丑時一刻

太祝令先入視設神

位版訖退次太官令光祿丞帥其屬實饌具畢光祿丞  
還齋所次引光祿卿入詣殿下席位北向立贊者曰再  
拜光祿卿再拜升殿點禮饌畢退還齋所次引監察御

史點閱陳設糾察不如儀者

凡點視及點閱皆先詣正位

次樂正帥

登歌二人升殿各就位餘官各服祭服次引行事執事

官各就殿之東南楫位立定禮直官贊揖次引監察御

史奉禮郎太祝太官令入就殿下席位北向立次引三

獻官兵部工部郎中各入就殿東階之東席位西向立

禮直官稍前贊有司謹具請行事高安之樂作六成止

太帝升煙燔牲首贊者曰再拜在位者皆再拜次引監

察御史奉禮郎太祝太官令俱升殿各就位立定

太官令就

正位酌尊所

次引初獻詣盥洗位北向立搯笏盥手帨手執

笏升殿正安之樂作

凡初獻升殿行皆正安之樂

止詣大辰神位前

北向立樂止嘉安之樂作初獻搯笏跪次引奉禮郎搯

笏西向跪執事者以玉幣授奉禮郎奉玉幣授初獻執

笏與先詣大辰神位前向北立初獻受玉幣奠訖執笏  
俛伏興再拜次引高丘宣明王神位前東向立配位  
此奠幣如上儀樂奉禮即復位初獻將降階樂作復位  
樂止

進熟

祀日有司帥進饌者詣廚以七羊載于一俎上肩膊  
在下端正脊一直脊一橫脊一長脊次升豕如羊載于  
一俎正配一位羊設於饌幔內候初獻既升奠玉幣訖入  
陳于殿東側階下西向內火入陳于殿西次引兵  
部工部郎中詣殿東側階下內火詣下措笏奉俎兵部奉  
升殿豐安之樂作詣大辰神位前北向跪奠先薦羊  
次薦豕各執笏俛伏興有司設於豆右腸胃膚之前羊

左右次詣商丘宣明王神位前東向奉俎如上儀樂止  
 俱降復位次引太祝詣大辰神位前東向立次引初獻  
 再詣盥洗位北向立搯笏盥手悅手執笏次詣爵洗位  
 向北立搯笏洗爵拭爵以爵授執事者執笏升殿樂作  
 詣正位酌奠所西向立樂止祐安之樂作執事者以爵  
 授初獻初獻搯笏跪執爵執尊者舉冪太官令酌著尊  
 之醴齊訖先詣配位酌尊所北向立初獻以爵授執事  
 者執笏與詣大辰神位前北向立搯笏跪執事者以爵  
 授初獻初獻執爵三祭酒奠爵執笏俛伏興少立樂止  
 太祝搯笏跪讀祝文讀訖執笏與先詣商丘宣明王神  
 位前南向立初獻再拜次引商丘宣明王神位前酌獻  
 並如上儀樂止太官令復止正位酌尊所太祝復位初

獻將降階樂作復位樂止次引亞獻詣盥洗位北向立  
搯笏盥手洗手執笏次詣爵洗位北向立搯笏洗爵拭  
爵以爵授執事者執笏升殿詣正位酌尊所西向立文  
安之樂作執事者以爵授亞獻亞獻搯笏跪執爵執尊  
者舉罍太官酌壺尊之盞齊訖先詣配位酌尊所北  
向立亞獻以爵授執事者執笏與詣大辰神位前北向  
立搯笏跪執事者以爵授亞獻亞獻執爵三祭酒奠爵  
執笏俛伏興再拜次詣高丘宣明王神位前行禮並如  
上儀樂止將降復位次引終獻詣洗及升殿行禮並如  
亞獻之儀降復位禮直官曰賜胙贊者承傳曰賜胙再  
拜在位者皆再拜送神理安之樂作一成止

望燎

初理安之樂畢引獻官兵部工部郎中詣望燎位有司各詣神位前取幣祝版置於燎柴次引監察御史奉禮郎太祝降階詣望燎位立定禮直官曰可燎火燎畢柴次引初獻以下詣殿之東南揖位立禮直官贊禮畢揖訖退太官令帥其屬徹禮饌監察御史詣殿上監視收徹訖還齋所光祿卿以昨奉進監察御史就位展視訖光祿卿望闕再拜訖乃退